

DE
RHENI INUNDATIONIBUS
EARUMQUE INCOMMODIS

E C L O G A

HERCULIS CORAZZI
ABBATIS OLIVETANI

PUBLICI ANALYSEOS LECTORIS
Et Instituti Scientiarum Mathematici

Ad Eminentissimum ac Reverendissimum

D. CURTIUM

CARDINALEM

O R I G U M

Bononiae Legatum.

Aspiciant hunc
FLOREM
LEGATORUM.

Cic. pro Flac.



EMINENTISSIME PRINCEPS.



Axime vellem, P. E., ut,
quod veteres de suis Poetis praedicare
solebant, inflatum quendam divinum ha-
berent carmina haec; neque te solum ad

commoda nostra sponte paratum , sed Italiam omnem commoverent . Elapsis proxime mensibus aliqua nobis salutis spes oborta erat ; sed statim intercudit , jamque ad pristinas querelas redeamus necesse est : quod idcirco versibus facimus , ut rem saepius repetitam novo aliquo dictionis genere fatigatissimis auribus inseramus. Sed frustra soluta oratione , frustra ligata contendemus , nisi tu , P. E. , ad hujus civitatis praesidium difficillimis temporibus datus , causam nostram ex animo suscipis , tuaque sapientia , et auctoritate defendis. Cetera beneficia , quae nobis in diem liberalissime confers , magna illa quidem sunt , planeque ejusmodi , ut omnium ordinum desideria nec una , neque similia , satis superque expleant ; sed haec tibi gratiam , et benevolentiam parere possunt , immortalitatem (mihi crede) non possunt . Hoc unum tibi nos , posterisque nostros in aevum devinciet ; hoc uno et pater , et conditor hujus urbis publicis

mo-

monumentis appellabere, siquid cogites, ac efficias, ut ab his foedissimis inundationibus tandem aliquando liberemur. Non deest tibi consilium, non prudentia, non animi magnitudo, non liberalitas, non ceterae virtutes Principe dignae; quid est, in quo illas majore cum fructu ad nominis tui famam, et celebritatem exercere possis, quam si urbem nobilitate, opibus, litteris jamdiu florentissimam ab ingenti miseria, certissimoque exitio tuearis? Nihil fortasse quibusdam amplificare videbor, et illa etiam, quae remotissima sunt, tamquam impendentia timere: sed quam vera loquar, tu ipse testis es, qui incommoda nostra praesens intueris, et, quantum quidem in te est, non providentia modo, sed etiam liberalitate quotidie sublevas. Haec tu Sapientissimo, ac Optimo PONTIFICI CLEMENTI XI, quem libuit AMYNTAE nomine his carminibus designare, quamprimum significata, idque precibus nostris toties repetitis

(VI)

gravitatis , et auctoritatis adjunge , quod
ad fidelissimae civitatis solatium intelligis
fatis esse . Vale .

Eminentiae Tuae Reverendissimae .

Bononiae Idibus Februarii MDC CXVIII.

Additissimus, & Humillimus Servus
Hercules Corazzi .

GLYCISTUS ET EUMOLPUS

DE RHENI INUNDATIONIBUS
 EARUMQUE INCOMMODIS DISSERUNT;

E C L O G A.

Glycistus.



Os, Eumolpe mihi longo post tempore vife,
 Sors hodie quoniam junxit, quin seria corde
 Pellimus, et versus alternis dicimus? Hac tu
 Sub fago mecum, memini, cantare solebas:
 Dum canimus, pascet lascivos Tityrus haedos.

Eumolpus.

Me longos tecum Soles trivisse, Glyciste;
 Cantando memini; nec respondere paratus
 Te magis ullus erat, nec adhuc mihi carminis omne
 Aufugit studium; sed laetae carmina forti
 Conveniunt, hilares animos, atque otia poscunt:
 At nunc heu quam nos fortuna tenaciter urget!

Glycistus:

Nimirum pulsa curarum nube, ferenant
 Carmina turbatam mentem, falluntque dolorem.

Eumolpus.

Quae modo nos urgent, alio medicamine poscunt
 Sanari. Rhenus, late stagnantibus undis,
 Reddidit uda nimis jamdudum pascua, jamque
 Diversis pecudes morbis vexantur, et ipse
 Non plane vacat a vitio, quem ducimus, aer.
 Quin etiam sic ille furit sine lege quotannis,
 Ut merito timeam, ne, quae per saecula longa
 Arcadibus viguit nihilo mage junior ipsis,
 Felsina, corrupto caelo, mortalibus orba,
 Infelix olim jaceat: quid proderit, artes
 Tam multos tunc ingenuas coluisse per annos,
 Quas

(1.x)

Quas doctus sevisse omnes ibi fertur Apollo?
Quò tunc regalesque domus, turreſque ſuperbae?
Sed plus afficiunt nos noſtra incommoda: ridens
Mittere vix coepit viridantia gramina campus,
En tumet, en ripas Rhenuſ ſupereminet, en ſe
Immittens paſſis in agros furibundus habenis,
Paſcua proſternit gregibus ſuccreſcere juſſa.
Conſulere in medium, quò tantam avertere peſtem
Poſſimus, non vana decet terere otia cantu.

Glyciſtus.

Jam mecum hac de re ſtatui: munimine ripas
Si firmare novo tendas, et inaniter hircos
Emulges, et littuſ aras; numerum ut lupus, undae
Sic obicem curant: quare compellere certum eſt
Felliſneos pecuſ in montes; tum Rhenuſ in agros,
Ut libet, effuſo prorumpat ab aggere, et anni
Spem rapiat, caelum vitiet ſtagnantibus undis.

Eumolpuſ.

Parce, nimis praeceptuſ hoc eſt, nullique probandum
Conſiliuſ; dic praeſumpto quae paſcua montis
Dorſo, quae inveniant ſimae virgulta capellae?
Adde, quod a teneris aſſueti mitibus auris,
Implacidos aegre Boreas patiemur, et Euroſ.
Accipe quae mihi nunc animo ſententia ſurgat:
Haud

(x)

Haud procul hinc Padus est, cujus se margine densa
Populus attollit, quem maximus ille Menalcas
Fluviorum regem dixit, quod, credo, capaci
Aequora vasta sinu teneat; diducere in illum
Quid vetat in nostris stagnantia flumina campis?

Glycistis.

Quid vetat? immo quis hoc exoptet? Thyrsis, et Alcon
Exclament ambo, valideque queratur Jolas;
Qui metuent, ripis ne tum Padus exeat ipse,
Quem possunt aegre jam nunc arcere furentem.

Eumolpus.

Scis modo cur pleno Padus alveo turgidus intra
Vix se se possit riparum claustra tenere?
Non quod, ut aiebat Codrus miser, aestuet undis
Jam nimis; sed quod (prudentem ita dicere Mopsum
Saepius audiui) modicas cum devehat undas,
Lentus it, et nimia passim subsidit arena:
Hinc facile aequato subjectis margine foedam
Diluvium minitatur agris. Vertatur in illum
Exundans Rhenus, rapidis tum fluctibus imum
Eradet fundum, et cursu majore (quod aegre
Credideris, verum tamen est) deVectus in aequor
Influet, inque illud, tardo quae flumine stagnant
Nunc undas, fundoque omnem eructabit arenam.
Sic

Sic sine fraude Padi poterunt mala nostra levare :
 Nescio quid Mopsus mihi narrans addidit : atqui
 Vix capies ; sed crede tamen . Non alveus illi
 Quod desit ; tumet Eridanus ; sed currere in aequor
 Quà debet , tardo fertur prope littora cursu .
 Namque illum multi proprijs subside in agris
 Pastores avidi quaerunt , ut pascua arenâ
 Uda tegat : sic multa illic divisus in ora
 Fundere se frustra tentat , retroque referri
 Cogitur , et refluas agger vix continet undas .
 Fac coeant undae , motuque sub aequora ponti
 Non interrupto subeant uno impete fusae :
 Jam non Eridanus referetur gurgite retro ,
 Pondere vel nimio ripas effringet inertes .

Glycistis .

Res ita forsan habet ; sed ijs persuadeat istud
 Quis rogo ? Dein illos quis possit flectere , quando ,
 Qui superant omnes armentis , vique peculi ,
 Pastores etiam niti se jure putabunt .

Eumolpus .

Istorum quivis quantum submittat Amyntae
 Se summo nolti , quam sit , nolti , aequus Amyntas
 Omnibus . Hic illos placatos mittet , acerbas
 Componens lites , nec pessum nos finet ire
 Funditus ; afferet hic rebus solamen in arctis .

Gly-

Glycistus:

Non ego diffiteor, nobis bona quaelibet illum
 Velle; fat ostendunt benefacta id plurima, quae non
 Ille quidem nobis, nostrae sed contulit Urbi.
 Nuper cum domino calathos, et poma tulissem,
 Multa mihi Stimichon ostendit munera Amyntae,
 Culmina Musarum nostros aequantia montes,
 Ingentes titulis homines, Tyrioque galero,
 Et quae non memini, sed tum vidisse juvabat.
 Quamquam non solis benefecit civibus; aras
 Munificae statuit, succenso thure, Patronae,
 Quam sua pastores possent in vota vocare.
 Dum nimis at contra clamant, qui commoda nostra
 Oppugnant, quatiunt aequa ne mente timendum est.

Eumolpus.

Ille quidem miti corde est, precibusque patenti,
 Dum patitur jus fasque; aequum si forte repugnet,
 Mens immota manet, venti velut agmine facto
 Cum varij certant veteri convellere silva
 Annosam quercum, radicibus illa resistit
 Alte innixa suis. Non deest facundia, non deest
 Illi consilium, quo nos tueatur, et artes
 Eludat cunctas, quibus ij nos perdere tentant.

Gly-

Glycistus.

Eumolpe, in dubijs qui semper casibus affers
 Optima consilia, ac Superis diffidere quenquam
 Non finis, in montes non ultra cogito, sic tu
 Me sperare jubes, jam vasa hinc sistere certum est.

Eumolpus.

Nulla, Glyciste, mihi debetur gratia, tutum
 Quod modo perfugium rebus succurrit in arctis
 Consului, a magno totum id sed pendet Amynta,
 Qui facilis nostras si spes impleverit, ejus
 Cantantes laudes, et nomen ad astra feremus.

Glycistus.

Ah si, quae nobis rapidus mala plurima Rhenus
 Affert, ut sperare jubes, averterit ille,
 Tum vero experiar, si quidquam carmine possum;
 Argutas tum propter aquas, fusique per herbam
 Versibus impulsos montes, valesque cavatas
 Alternis resonare bonum doceamus Amyntam.

F I N I S.

S*Iqua sunt verba veterem latinae
linguae superstitionem redolentia,
profiteor, ijs me ad sermonis ele-
gantiam usum, non ut Christia-
nae Fidei veritati quippiam detra-
herem.*

Vidit D. Augustinus Maria Alfieri Poenitentiariae
Rector, Clericus Regularis Sancti Pauli, et in
Ecclesia Metropolitana Bononiae Poenitentiar.
pro Eminentissimo, et Reverendissimo Domi-
no D. Jacobo Cardinali Boncompagno Bono-
niae Archiepiscopo, ac Sac. Rom. Imp. Principe.

IMPRIMATUR

Fr. Th. Maria Caneti Provicarius Sancti Officii Bo-
noniae.

BONONIAE, MDCCXVIII.

Typis Rossi, et Sociorum ad Vexillum Rosae,
prope Publicum Archigymnasium.

SUPERIORUM FACULTATE.

1. The first part of the report
describes the general situation
of the country and the
state of the economy.
It also mentions the
main problems of the
country and the
state of the economy.

2. The second part of the report

describes the situation of the
country and the state of the
economy.

3. The third part of the report

describes the situation of the
country and the state of the
economy.

4. The fourth part of the report